

reantur. Per eundem Christum Dominum nostrum. ¶ Amen.

*Deinde, si tunc in stabulo congregata fuerint animalia, addere poterit Sacerdos sequentes Orationes: Omnipotens sempiterne Deus qui gloriosum, etc., et Benedictionem tuam, etc., ut supra in Benedictione Equorum et Animalium, 276.*

*Postea adsparget aqua benedicta stabulum et animalia.*

BENEDICTIO AD OMNIA

142. *Hæc benedictionis formula adhiberi potest a quovis Sacerdote pro omnibus rebus, de quibus specialis benedictio non habetur in Rituali Romano.*

- ¶. Adjutorium nostrum in nomine Domini.  
¶. Qui fecit cœlum et terram.  
¶. Dominus vobiscum. ¶. Et cum spiritu tuo.

OREMUS

Deus, cuius verbo sanctificantur omnia, benedictionem tuam effunde super creaturam istam (*vel* creaturas istas): et praesta, ut quisquis ea (*vel* eis) secundum legem et voluntatem tuam cum gratiarum actione usus fuerit, per invocationem Sanctissimi Nominis tui, corporis sanitatem, et animæ tutelam, te auctore, percipiat. Per Christum Dominum nostrum. ¶. Amen.

*Deinde illam (*vel* illas) Sacerdos adsparget aqua benedicta.*

BENEDICTIO PALMARUM VEL ALIORUM RAMORUM IN FESTO S. PETRI MART.

143. ¶. Adjutorium nostrum in nomine Domini.  
¶. Qui fecit cœlum et terram.  
¶. Domine, exaudi orationem meam.  
¶. Et clamor meus ad te veniat.  
¶. Dominus vobiscum. ¶. Et cum spiritu tuo.

OREMUS

Domine Jesu Christe, Filii Dei vivi, bene dic hos arborum ramos supplicationibus nostris et infunde eis, Domine, per virtutem sanctæ crucis, per intercessionem beati Petri Martyris, benedictionem cœlestem, qui triumphatus de hoste generis humani per manus puerorum palmas et arborum ramos in honorem tuum adhibere voluisti, talemque benedictionem signaculo sanctæ crucis accipient, ut in quibuscumque locis aliquid ex eis possum fuisse, discedant principes tenebrarum et contremiscant et fugiant pavidi cum omnibus ministris suis de locis vel habitationibus illis. Non ibi noceant fulmina et tempestates, non fructus terræ consumat aut deperdat ulla intemperies elementi, nihilque inquietet aut molestet servientes tibi omnipotenti Deo. Qui vivis et regnas in sæcula sæculorum. ¶. Amen.

*Deinde adspergantur aqua benedicta.*

CAPUT II

Benedictiones reservatae ab Episcopis,  
vel aliis facultatem habentibus facienda (1)

BENEDICTIO SACERDOTALIUM INDUMENTORUM IN GENERE

144. ¶. Adjutorium nostrum in nomine Domini.  
¶. Qui fecit cœlum et terram.  
¶. Dominus vobiscum. ¶. Et cum spiritu tuo.

(1) I. An Episcopi sive ex jure ordinario sive ex consuetudine omnes benedictiones descriptas in Rituali Romano et reservatas, in quibus non intervenit sacra unctione, Sacerdotibus minoribus delegare possint?

OREMUS

Omnipotens, sempiterne Deus, qui per Moysen famulum tuum pontificalia et sacerdotalia, seu levitica vestimenta, ad explendum in conspectu tuo ministerium eorum, ad honorem et decorum nominis tui fieri decrevisti: adesto propitiis invocationibus nostris, et hæc indumenta sacerdotalia, de super irrigante gratia tua, ingenti benedictione per nostræ humilitatis servitum purificare, bene dicere, et consecrare digneris: ut divinis cultibus et sacris mysteriis apta et benedicta existant: his quoque sacris vestibus Pontifices, et Sacerdotes, seu Levitæ tui induti, ab omnibus impulsioni-

2. An Vicarii Generales sive ex facultatibus Ordinariis sive ex delegatione speciali nomine Episcopi istas benedictiones delegare possint?

Resp. Ad 1. Negative.

Ad 2. Provisum in primo. S. R. C. 2 Aprilis 1875, Lemovicen.

Sacerdotes subdelegati pro benedictione alicujus indumenti Sacerdotalis aut Leviticæ utantur benedictione quæ legitur in Rituali Romano, non vero ea quæ reperitur in Pontificali. S. R. C. 16 Martii 1876, Blesen. et 2 Dec. 1881, Imolen.

Véase el siguiente decreto dado á instancia del Excmo. señor Arzobispo de Tarragona:

In una Erien. diei 20 Augusti 1870, declaratum fuit non posse Episcopum Missam Pontificalem cum solis Diacono et Subdiacono, omisis aliis Ministris, celebrare. Queritur an celebrare possit Missam solemnem cum Diacono et Subdiacono ritu sacerdotali? Item; an possit peragere more sacerdotali functiones sacerdotales, saltem aliquas v. g. Ecclesiam benedicere, vel debeat aut consecrare, aut omnino abstinere?

Sacra porro Rituum Congregatio, referente infra scripto Secretario atque exquisito voto alterius ex Apostolicarum Cæreniarum Magistris, sic declarandum censuit:

Negative in omnibus. Atque ita declaravit ac servari mandavit. Die 9 Jannuar. 1880.

bus, seu temptationibus malignorum spirituum muniti et defensi esse mereantur; tuisque mysteriis apte et condigne servire et inhærente, atque in his tibi placite et devote perseverare tribue. Per Christum Dominum nostrum. R. Amen.

OREMUS

Deus, invictæ virtutis triumphator, et omnium rerum creator ac santificator: intende propitiis preces nostras: et hæc indumenta leviticæ, sacerdotalis, et pontificalis gloriæ, ministris tuis fruenda, tuo ore proprio bene dicere, sancti ficare, et consecrare digneris: omnesque eis uentes, tuis mysteriis aptos, et tibi in eis devote ac laudabiliter servientes, gratos efficere digneris. Per Dominum nostrum Jesum Christum, etc. R. Amen.

OREMUS

Domine, Deus omnipotens, qui vestimenta Pontificibus, Sacerdotibus, et Levitis in usum tabernaculi fœderis necessaria Moysen famulum tuum agere jussisti, eumque spiritu sapientiae ad id peragendum replevisti: hæc vestimenta in usum et cultum mysterii tui bene dicere, sancti ficare, et consecrare digneris; atque ministros Altaris tui, quia ea induerint, septiformis Spiritus gratia dignanter repleri, atque castitatis stola, beata facias cum bonorum fructu operum, ministerii congruentis immortalitate vestiri. Per Christum Dominum nostrum. R. Amen.

Deinde adspexit ipsa indumenta aqua benedicta.

BENEDICTIO SPECIALIS CUJUSLIBET INDUMENTI

*Ex Pontificali Romano P. II (1)*

145. ¶. Adjutorium nostrum in nomine Domini.  
¶. Qui fecit cœlum et terram.  
¶. Dominus vobiscum. ¶. Et cum spiritu tuo.

OREMUS

Deus omnipotens, bonarum virtutum dator, et omnium benedictionum largus infusor, supplices te rogamus, ut manibus nostris opem tuæ benedictionis infundas, et has caligas et sandalia, *vel* amictum, *vel* albam, *vel* cingulum, *vel* stolam, *vel* manipulum, *vel* tunicellam, *vel* dalmaticam, *vel* planctam, divino cultui præparatam, virtute sancti Spiritus bene ☩ dicere, sancti ☩ sicare, et conse ☩ crare digneris: et omnibus ea *vel* eo, *vel* eis utentibus gratiam sanctificationis sacri mysterii tui benignus concede; ut in conspectu tuo sancti et immaculati atque irreprehensibiles appareant, et auxilium misericordiæ tuæ acquirant. Per Dominum nostrum Jesum Christum... in unitate ejusdem Spiritus Sancti Deus, etc. ¶. Amen.

*Deinde adsparget aqua benedicta.*

BENEDICTIO CRUCIS PECTORALIS

*Ex Pontificali Romano P. II*

146. Ad benedicendam Crucem pectoralem, Sacerdos delegatus potest uti forma assignata pro benedictione Crucis proficiscentium in subsidium Terræ sanctæ, ut sequitur.

(1) Esta fórmula, según arriba queda dicho, no pueden usarla los simples Sacerdotes.

- ¶. Adjutorium nostrum in nomine Domini.  
¶. Qui fecit cœlum et terram.  
¶. Dominus vobiscum. ¶. Et cum spiritu tuo.

OREMUS

Omnipotens Deus, qui Crucis signum pretioso Filii tui Sanguine dedicasti, quique per eamdem Crucem Filii tui Domini nostri Iesu Christi mundum redimere voluisti, et per virtutem ejusdem venerabilis Crucis humanum genus ab antiqui hostis chirographo liberasti: te suppliciter exoramus; ut digneris hanc Crucem paterna pietate benedicere, et cœlestem ei virtutem et gratiam imperire: ut quicumque eam in passionis et Crucis Unigeniti tui signum ad tutelam corporis et animæ super se gestaverit, cœlestis gratiæ plenitudinem in ea, et munimen valeat tuæ benedictionis accipere. Quemadmodum virgam Aaron ad rebellium perfidiam repellendam benedixisti, ita et hoc signum tua dextera bene ☩ dic: et contra omnes diabolicas fraudes virtutem ei tuæ defensionis impendas; ut portantibus illud animæ pariter et corporis prosperitatem conferat salutarem, et spiritualia in eis dona multiplicet. Per eumdem Christum Dominum nostrum. ¶. Amen.

*Deinde adsparget Crucem ipsam aqua benedicta.*

BENEDICTIO MAPPARUM, SIVE LINTEAMINUM ALTARIS

147. ¶. Adjutorium nostrum in nomine Domini.  
¶. Qui fecit cœlum et terram.  
¶. Dominus vobiscum. ¶. Et cum spiritu tuo.

OREMUS

Exaudi, Domine, preces nostras: et hæc linteama, sacri Altaris usui præparata, bene ☩ dicere,

et sancti ✕ dicere digneris. Per Christum Dominum nostrum. ¶ Amen.

OREMUS

Domine, Deus omnipotens, qui Moysen, famulum tuum, ornamenta et linteamina facere per quadraginta dies docuisti: que etiam Maria texuit, et fecit in usum ministerii, et tabernaculi foederis; bene ✕ dicere, sancti ✕ dicare, et conse ✕ crare digneris hæc linteamina ad tegendum, involvendumque Altare gloriosissimi Filii tui Domini nostri Jesu Christi: Qui tecum vivit, et regnat in unitate Spiritus Sancti Deus, per omnia sæcula sæculorum. ¶ Amen.

*Deinde adspergat aqua benedicta.*

BENEDICTIO CORPORALIUM

148. ¶ Adjutorium nostrum in nomine Domini.

R. Qui fecit cœlum et terram.

¶. Dominus vobiscum. ¶. Et cum spiritu tuo.

OREMUS

Clementissime Domine, cuius inenarrabilis est virtus, cuius mysteria arcans mirabilibus celebrantur: tribue quæsumus; ut hoc linteamen tuæ propitiationis bene ✕ dictione sanctificetur ad consecrandum super illud Corpus et Sanguinem Dei, et Domini nostri Jesu Christi Filii tui: Qui tecum vivit et regnat in unitate Spiritus Sancti Deus, per omnia sæcula sæculorum. ¶ Amen.

OREMUS

Omnipotens sempiterne Deus, bene ✕ dicere, sancti ✕ dicare, et conse ✕ crare digneris linteamen istud ad tegendum, involvendumque Corpus

et Sanguinem Domini nostri Jesu Christi Filii tui. Qui tecum vivit, et regnat in unitate, etc. ¶ Amen.

OREMUS

Omnipotens Deus, manibus nostris opem tuæ benedictionis infunde: ut per nostram bene ✕ dictio nem hoc linteamen sanctificetur, et Corporis ac Sanguinis Redemptoris nostri novum sudarium, Spiritus Sancti gratia efficiatur. Per eundem Dominum nostrum Jesum Christum Filium tuum: qui tecum vivit et regnat in unitate ejusdem Spiritus Sancti, etc. ¶ Amen.

*Et adspergat aqua benedicta.*

BENEDICTIO TABERNACULI SEU VASCULI  
PRO SACROSANTA EUCHARISTIA CONSERVANDA

149. ¶ Adjutorium nostrum in nomine Domini.

R. Qui fecit cœlum et terram.

¶. Dominus vobiscum. R. Et cum spiritu tuo.

OREMUS

Omnipotens sempiterne Deus, majestatem tuam supplices deprecamur: ut Vasculum hoc pro Corpori Filii tui Domini nostri Jesu Christi in eo condendo fabricatum, bene ✕ dictionis tuæ gratia dicare digneris. Per eundem Dominum nostrum Jesum Christum Filium tuum: qui tecum vivit et regnat, etc. ¶ Amen.

*Deinde adspergit illud aqua benedicta.*

BENEDICTIO NOVÆ CRUCIS

150. ¶ Adjutorium nostrum in nomine Domini.

R. Qui fecit cœlum et terram.

¶. Domine, exaudi orationem meam.

R. Et clamor meus ad te veniat.

¶. Dominus vobiscum. R. Et cum spiritu tuo.

OREMUS

Rogamus te, Domine sancte, Pater omnipotens, æterne Deus; ut digneris bene ✕ dicere hoc signum Crucis tuæ, ut sit remedium salutare generi humano; sit soliditas fidei, profectus bonorum operum, redemptio animarum; sit solamen, et proteccio, ac tutela, contra sæva jacula inimicorum. Per Christum Dominum nostrum. ¶ Amen.

*Alia Oratio ad idem*

Bene ✕ dic, Domine Jesu Christe, hanc Crucem tuam, per quam eripuisti mundum a potestate dæmonum, et superasti passione tua suggestorem peccati, qui gaudebat in prævaricatione primi hominis per ligni vetiti sumptionem. *Hic adspergat aqua benedicta*. Sanctificetur hoc signum Crucis in nomine Patris ✕, et Filii ✕, et Spiritus ✕ Sancti; ut orantes, inclinantesque se propter Dominum ante istam Crucem, inveniant corporis et animæ sanitatem. Per Christum Dominum nostrum. ¶ Amen.

*Postea Sacerdos genuflexus ante Crucem devote adorat, et osculatur, et idem faciunt quicumque voluerint.*

BENEDICTIO IMAGINUM JESU CHRISTI DOMINI NOSTRI,  
BEATÆ MARLÆ VIRGINIS, ET ALIORUM SANCTORUM (1)

151. ¶ Adjutorium nostrum in nomine Domini. ¶ Qui fecit cœlum et terram.

¶ Dominus vobiscum. ¶ Et cum spiritu tuo.

(1) La bendición de Imágenes y Cruces nuevas reservada al Obispo es la que se hace pública y solemnemente con canto, Ministros y concurso de pueblo.—Privadamente y sin solemnidad cualquier Sacerdote *cum unico Ministro* puede hacer dichas bendiciones, así como también la de las Cruces de los Al-

OREMUS

Omnipotens, sempiterne Deus, qui Sanctorum tuorum imagines (*sive effigies*) sculpi, aut pingi non reprobas, ut quoties illas oculis corporis intuemur, toties eorum actus et sanctitatem ad imitandum memorie oculis meditemur: hanc quæsumus, imaginem (*seu sculpturam*) in honorem et memoriam unigeniti Filii tui Domini nostri Iesu Christi (*vel beatissimæ Virginis Mariæ Matris Domini nostri Iesu Christi, vel beati N. Apostoli tui, vel Martyris, vel Confessoris, aut Pontificis, aut Virginis*) adaptatam bene ✕ dicere, et sanctifi ✕ care digneris: et præsta; ut quicunque coram illa unigenitum Filium tuum (*vel beatissimam Virginem, vel gloriosum Apostolum, sive Martyrem, sive Confessorem aut Virginem*) suppliciter colore et

tares y procesionales, aunque no es de precepto el bendecirlas. S. R. C. 12 Julio de 1704, y 12 de Agosto de 1854 in Lucionen., 66.—S. C. Indul. 7 Januarii 1843.—Cavalieri, t. 4, Decr. 188. De Herdt, n. 111.

No es necesario que las Imágenes sean bendecidas (aunque es muy conforme) para exponerlas al culto público, porque si no es necesario que lo sean las Cruces, *non appareat ratio*, Dice De Herdt, *quare Imagines necessario forent benedicendæ*.

Respecto de las Imágenes de Cartón-piedra, preguntó el Obispo de Cuenca á la S. C. de Ritos si podían exponerse al culto público, bendecirse é indulgenciarse, y la misma S. Congregación en 17 Enero de 1886 respondió: *Quoad indulgentias recurrentum ad S. Congregationem Indulgientiarum*.

En vista de este decreto el Obispo de Vich hizo la siguiente consulta á la S. C. de Indulgencias acerca las Imágenes de CARTÓN-MADERA: *Num Indulgientiæ adnecti valeant sacris Imaginibus ex alia materia confectis vulgo appellata CARTÓN-MADERA, quæ solidior est alia supramemorata (CARTÓN-PIEDRA), imo præsefert duritiem ligno majorem?* Resp. Affirmative. S. C. Indulg. 1 Aprilis 1887. (Del Boletín Ecclesiástico de Vich, n. 293.)

honorare studuerit, illius meritis et obtentu, a te  
gratiam in præsenti, et æternam gloriam obtineat  
in futurum. Per Christum Dominum nostrum.

R. Amen.

*Ultimo adspergat aqua benedicta.*

BENEDICTIO SOLEMNIOR IMAGINIS BEATÆ MARIAE  
VIRGINIS

*Juxta Pontificale Romanum P. II*

152. *Sacerdos delegatus benedicturus imaginem  
Beatæ Mariae Virginis, paratus superpelliceo, stola  
et pluviali albi coloris, stans dicit:*

R. Adjutorium nostrum in nomine Domini.

R. Qui fecit cœlum et terram.

R. Dominus vobiscum. R. Et cum spiritu tuo.

OREMUS

Deus, qui de beatæ Mariæ Virginis utero Ver-  
bum tuum, Angelo nuntiante, carnem suscipere  
voluisti: præsta supplicibus tuis; ut qui vere eam  
Genitricem Dei credimus, ejus apud te intercessio-  
nibus adjuvemur. Per eundem Christum Dominum  
nostrum. R. Amen.

*Quo facto, adspergit figuram aqua benedicta. Dein-  
de inchoat, schola prosequente, Antiphonam. Sub  
tuum præsidium.*

*Quæ incepta, et dum ea cantatur, thurificat ima-  
ginem ipsam ter dicens thuribulum.*

*Antiphona, ton. 2.*

Sub tuum præsidium confugimus, sancta Dei Ge-  
nitrix: nostras deprecationes ne despicias in neces-  
sitatis, sed a periculis cunctis libera nos semper,  
Virgo gloria et benedicta.

*Temp. Paschali Ant. Alleluia, alleluia.*

*Psalmus. Fundamenta ejus in montibus san-  
ctis, etc. Dicitur totus cum Gloria Patri.*

*Deinde dicitur Antiphona.*

Ave Maria, gratia plena: Dominus tecum: bene-  
dicta tu in mulieribus. Alleluia.

*Psalmus 122*

Ad te levavi oculos meos, \* qui habitas in cœlis.

Ecce sicut oculi servorum, \* in manibus domi-  
norum suorum.

Sicut oculi ancillæ in manibus dominæ suæ, \* ita  
oculi nostri ad Dominum Deum nostrum, donec  
misereatur nostri.

Miserere nostri, Domine, miserere nostri: \* quia  
multum repleti sumus despectione.

Quia multum repleta est anima nostra: \* oppro-  
brium abundantibus, et despectio superbis.

Gloria Patri. Sicut erat.

*Finitis Antiphonis et Psalmis Prædictis, Sacer-  
dos dicit:*

OREMUS

Deus, qui virginalem aulam beatæ Mariæ Virgi-  
nis, in qua habitares, eligere dignatus es: da quæ-  
sumus; ut sua nos defensione munitos, jucundos  
facias suæ interesse commemorationi: Qui vivis et  
regnas cum Deo Patre in unitate Spiritus Sancti  
Deus, per omnia sæcula sæculorum. R. Amen.

*Deinde Sacerdos incipit Antiphonam, schola pro-  
sequente.*

O gloriosa Dei Genitrix, Virgo semper Maria,  
quæ Dominum omnium meruisti portare, et Regem  
Angelorum sola Virgo lactare: nostri, quæsumus,  
pia memorare, et pro nobis Jesum Christum depre-  
care: ut tuis fulti patrociniis, ad cœlestia regna  
mereamur pervenire.

*Canticum Beatæ Mariæ Virginis Magnificat.*

*Finito Canto, dicit:*

OREMUS

Deus qui de beatæ Mariæ Virginis utero Verbum tuum, Angelo nuntiante, carnem suscipere voluisti; præsta supplicibus tuis: ut qui vere eam Genitricem Dei credimus, ejus apud te intercessionibus adjuvemur. Per eundem Christum Dominum nostrum. ¶ Amen.

OREMUS

Omnipotens sempiterne Deus, clementissima cuius dispensatione cuncta creaturæ ex nihilo, hanc imaginem in honorem piissimæ Genitricis Filii tui Domini nostri Jesu Christi venerabiliter adaptatam benedixere, et sanctificare digneris, et præsta, misericordiosissime Pater, per invocationem nominis tui, atque ejusdem unigeniti Filii tui Domini nostri Jesu Christi, quem pro salute generis humani, integritate Virginis Mariæ servata, incarnari voluisti; quatenus precibus ejusdem sacratissimæ Virginis, quicumque eamdem misericordiæ Reginam, et gratiosissimam Dominam nostram coram hac effigie suppliciter honorare studuerint, et de instantibus periculis eruantur, et in conspectu divinæ majestatis tuæ de commissis veniam impetrant; ac mereantur in præsenti gratiam, quam desiderant, adipisci, et in futuro perpetua salvatione cum electis tuis valeant gratulari. Per eundem Dominum nostrum Jesum Christum Filium tuum: qui tecum vivit et regnat in unitate Spiritus Sancti Deus, per omnia sæcula sæculorum. ¶ Amen.

*Ultimo adspexit Imaginem aqua benedicta.*

BENEDICTIO SOLEMNIOR NOVÆ CRUCIS

153. *Nova Crux, seu Tabula, in qua Crucifixus est depictus, hoc modo benedicitur. Paratis thure,*

thuribuloque cum igne, aqua benedicta, Sacerdos delegatus superpelliceo, stola, et pluviali rubri coloris indutus, stans dicit:

- ¶. Adjutorium nostrum in nomine Domini.  
¶. Qui fecit cœlum et terram.  
¶. Dominus vobiscum. ¶. Et cum spiritu tuo.

OREMUS

Bene~~X~~dic, Domine Jesu Christe, hanc Crucem tuam, per quam eripuisti mundum a potestate dia-boli, et superasti passione tua suggestorem peccati, qui gaudebat in prævaricatione primi hominis per ligni vetiti sumptionem. Qui cum Deo Patre et Spi-ritu Sancto vivis et regnas in sæcula sæculorum.

¶. Amen.

OREMUS

Rogamus te, Domine sancte, Pater omnipotens, sempiterne Deus: ut digneris benedicere ~~X~~ hoc sig-num Crucis tuæ, ut sit remedium salutare generi humano: sit soliditas fidei, profectus bonorum ope-rum, redemptio animarum: sit solamen et protectio ac tutela contra sæva jacula inimicorum. Per Do-minum nostrum Jesum Christum, etc. ¶ Amen.

*Deinde dicit voce mediocri, extensis manibus ante pectus, Prefationem.*

- ¶. Per omnia sæcula sæculorum. ¶. Amen.  
¶. Dominus vobiscum. ¶. Et cum spiritu tuo.  
¶. Sursum corda. ¶. Habemus ad Dominum.  
¶. Gratias agamus Domino Deo nostro.  
¶. Dignum et justum est.

Vere dignum et justum est, æquum et salutare, nos tibi semper et ubique gratias agere, Domine sancte, Pater omnipotens, æterne Deus: cuius sanctum ac terrible Nomen, inter cæteras visibles creaturas, ligna quoque fructifera laudare ac benedicere non cessant, qui in figuram unigenitæ Sa-

pientiæ tñæ ligno vitæ a principio paradisum volutatis ornasti, ut ejusdem fructu, sacro mysterio, Protoparentes nostri generis mortem cavere, et vitam admoneres obtinere perpetuam: quique nos velitæ arboris attactu justæ morti addictos, ejusdem coeteræ tibi Sapientiæ, Dei et Domini nostri Jesu Christi, innoxia morte ad vitam misericorditer revocare dignatus es: Te supplices exoramus, ut hoc singulare signum, quod ad exemplum primi illius sacratissimi vexilli, quo pretioso Filii tui sanguine triumphasti, fidelium tuorum devotione compactum, erectumque est, cœlesti tua bene~~X~~dictione sanctificare digneris; ut omnibus hic genua flectentibus, ac tuæ Majestati supplicantibus, largior et cordis compunctio, et admissorum indulgentia concedatur, atque intercedente ipsa victoriosissima unigeniti Filii tui passione, et tibi placita postulare, et citius valeant postulata percipere. Da, quæsumus, clementissime Pater, in quo vivimus, movemur et sumus: ut, quoties triumphum divinæ humilitatis, quæ superbiam nostri hostis dejecit, oculis intuemur, quotiesque mente recolimus, et contra hostem ipsum fiduciam fortitudinis, et majorem tibi devotæ humilitatis gratiam consequamur: quatenus in illo tremendo tuæ Majestatis examine cum paventibus elementis, cœlorumque commotis virtutibus, signum istud glorificum redemptionis nostræ apparuerit in cœlo, ipso de morte ad vitam transire, ac perpetua beatæ resurrectionis videre gaudia mereamur. *Quod sequitur, dicitur submissa voce legendo, ita tamen quod a circumstantibus audiri possit:* Per eundem Dominum nostrum Jesum Christum Filium tuum: qui tecum vivit et regnat in unitate Spiritus Sancti Deus, per omnia sœcula sœculorum. R. Amen.

OREMUS

Deus, qui beatæ Crucis patibulum, quod prius erat scelestis ad pœnam, convertisti redemptis ad

vitam: concede plebi tuæ, ejus vallari præsidio, cuius est armata vexillo.

Sit ei Crux fidei fundamentum, spei suffragium, in adversis defensio, in prosperis adjuvamen: sit ei in hostes victoria, in civitate custodia, in campus protectio, in domo fultura: ut per eam Pastor in futuro gregem conservet incolumem, quæ nobis, Agno ~~X~~ vincente, conversa est in salutem. Per eundem Dominum nostrum Jesum Christum Filium tuum: qui tecum vivit et regnat in unitate Spiritus Sancti Deus, per omnia sœcula sœculorum.

R. Amen.

OREMUS

Sancti ~~X~~ fica. Domine Jesu Christe, signaculum istud passionis tuæ: ut sit inimicis tuis obstaculum, et credentibus in te perpetuum efficiatur victoriæ vexillum. Qui cum Deo Patre vivis et regnas in unitate Spiritus Sancti Deus, per omnia sœcula sœculorum. R. Amen.  
*Tum ofertur Sacerdoti thus in navicula, quod stans benedit, dicens:*

OREMUS

Domine Deus omnipotens, cui assistit exercitus Angelorum cum tremore, quorum servitium spirituale, et igneum esse cognoscitur: dignare respice, bene ~~X~~ dicere, et sancti ~~X~~ fice hanc creaturam incensi, ut omnes languores, omnesque infirmitates, atque insidiæ inimici, odorem ejus sentientes, effugiant, et separantur a plasmate tuo; ut numquam ledatur a morsu antiqui serpentis. quod pretioso Filii tui sanguine redemisti. Per eundem Christum Dominum nostrum. R. Amen.

*Quo facto, Sacerdos imponit thus in thuribulum. Deinde adsperrgit Crucem aqua benedicta, et mox eam incensat. Tunc dicit adhuc stans:*